

2024 - 2028



NAALAKKERSUISUT

GOVERNMENT OF GREENLAND

TUNUMI AVATAASIORLUNI

saarullinniarnermi aqutsinissamik pilersaarut



AALISARNERMUT PINIARNERMULLU
NAALAKKERSUISOQARFIK

IMARISAI

1. Tunuliaqtaasut	1
1.1 Siunertaq, periusissaq atuuffissaalu	2
1.1.1 Atuuffiata sivisussaa	2
1.2 Atuuffiata sivisussusia nutarterneqarnissaanullu aalajangersakkat	3
1.3 Inatsisit aamma Aqutsinissamik akisussaaffiit	4
2. Aalisarnermut avatangiisinullu tunngatillugu aalisakkamik ilisarititsineq	5
3. Siunnersuineq kiisalu aalisarnermi aqutsinissamut tunngavigineqartut	7
3.1 Ilisimatuussutsikkut siunnersuineq	8
3.2 TAC-nik aalajangersaanerit pisassiissutinillu agguassinerit	10
3.2.1 TAC-nik aalajangersaaneq	10
3.2.2 TAC-nik agguassineq	11
3.3. Malittarisassioriaatsit	11
3.3.1 Pisassiissutit amerlassusissaannik aalajangersaanerit	11
3.3.2 Sumiiffiit pillugit aalajangersaanerit	12
3.3.3 Piujuartitsinissamik teknikikkut iliuuseqarnerit aamma immami ataqatigiinnernik mianersuuttariaqartunik aqutsinerit	13
3.3.4 Aalisarnermi saniatigut pisanik aqutsineq	13
4. Nalunaaruteqartarneq nakkutilliinerillu	14
4.1 Nalunaaruteqarneq	15
4.2 Nakkutilliineq, Misissuineq aamma nakkutiginninnerillu (MCS)	15
4.3 Nalunaarutiginnittarnerit	17
5. Innersuussutit ilangussallu	18
Ilangussaq 1. Inatsisit atuuttut immikkut attuumassutillit	19



Assi: Arctic Prime Fisheries ApS

1

TUNULIAQUTAASUT



Assi: Julius Nielsen, Pinngortitaleriffik

1.1 SIUNERTAQ, PERIUSISSAQ ATUUFFISSAALU

Saarullinniarnissamut (*Gadus morhua*) siunnersummik nutaamik 2023-mi takkuttoqarpooq, Tunumi Kitaanilu saarulleqatigiit avataani sinerissallu qanittuani imminnut akulerussimasut paasinarsimmat – pingaartumik Kalaallit Nunaata kitaani. Suffisartut assigiinngitsut sisamat paasineqarput Tunumi suffisartut, Kitaata avataani suffisartut aammalu Kitaani sinerissap qanittuani suffisartut marluk. Taamaattumik aalisakkat immikkoortillugit aalisarsinnaanissaat periarfissaasimangilaq, tamannalu pissutigalugu Kalaallit Nunaat tamakkerlugu avataasiorluni sinerissallu qanittuani aqutsinissamut pilersaarummik suliaqartoqassaaq. Aqutsinissamut pilersaarummik taassuminnga suliaqarneq august 2023-mi aallartisarneqarpoq.

Aqutsinissamut pilersaarut taanna Tunumi aalisarnerinnarmut attuumassuteqarpoq, Kalaallit Nunaat tamakkerlugu aqutsinissamut pilersaarut tamanut atuuttoq suli suliarineqarmat. Aqutsinissamut pilersaarut tamakkiisoq atuutilernissaanut piareeriarpal aqutsinissamut pilersaarut maannamut atuuttoq taarserneqarumaarpoq.


Aqutsinissamut pilersaarummi Tunumi saarulliit inuuniarnikkut ileqqut kingornutallu tunngavigalugit inooriaaseqarneq, inuiaqatigiit aningaasaqarniarnerat aammalu siunissaq eqqarsaatigalugu uummassusilinnik piujuartitsinissaq tunngavigalugit aalajangersaanissamik siunertaqarpoq.

Tunumi saarullinnut suffisartunut siunnersuineq amigaateqarpoq aalisagaqatigiaat pillugit ilisimasat suli amigaateqarmata pingaartumik Islandip Tunullu akornanni nuttartarnerat pillugu. Taamaattumik aqutsinissamut pilersaarut una paassisutissanik katersinermut ilisimasallu ineriertortinnissaannut anguniagaavoq pingaarutilik, aalisagaqatigiaat pillugit annertunerusumik ilisimasaqalernissamut tapersiisinhaasoq, nunattalu iluani aammalu Kalaallit Nunaata Islandillu akornanni nuttartarnerisa pissarsiaqarfinginissaanut. Taamaattumik inuussutissarsiortut piumaffigineqarnikuupput misissugassanik assigiinngitsunik katersuissasut Pinngortitaleriffimmullu missoqqissaagassanngorlugit nassiussisassasut. Suffinerup nalaani aammattaaq misileraalluni aalisarnissamut akuersissutinik tunniussisoqarsinnaavoq misissugassanik tigusinissamik piumasaqaatitalimmik. Aqutsinissamut pilersaarutip uumap aqutsinissamut pilersaarutip allanngorarsinnaanera ukkatarivaa, siunnersuinerup iluarsaannerani aalisarneq naleqqussarneqarsinnaaniasammatt.

1.1.1 Atuuffiata sivisussaa

Aqutsinissamut pilersaarut Tunumi ICES-ip siunnersuuteqarfingisimasaani tamani atutissaaq tassalu; ICES¹ 2a, ICES 2b, ICES 5a2, ICES 12a3, ICES 14a, aamma ICES 14b 3 sømil killeqarfuiup avataani. Avataasiorluni Tunumi aalisarneq aqutsiveqarfinnullu pingasunut agguarneqarpoq. Aqutsiveqarfuit pingasut Tunup Avannaa, Dohrn Banke aamma Tunup Kujataa. Tamatumap saniatigut Kleine Banke suffisarfittut isigineqarpoq.

1 Imartat Ilisimatusarfingineqarnerannut Nunat Tamalaat Ataatsimiititaliaat



Nunap assinga 1: Kalaallit Nunaat, kalaallit nunaanni EEZ, Tunumi aqutsiveqarfii pingasut aammalu Kleine Banke.

1.2 ATUUFFIATA SIVISUSSUSIA NUTARTERNEQARNISSAANULLU AALAJANGERSAKKAT

Kalaallit Nunaat tamakkerlugu saarullinnut aqtsinissamut pilersaarut tamakkiisoq piareeriarpal, Tunumi avataasiornuni aalisarnermi aqtsinissamut maannamut atuuttoq taarsissavaa.

Aqtsinissisamut pilersaarut una 1. januar 2024-miit 31. december 2028-mut atuutissaq.

Piffissap atuuffiusup ingerlanerani aqtsinissamut pilersaarut nalilersorneqassaaq nutarterneqarlunilu taamaasilluni pilersaarut nutaaq nutartigarluunniit 1. januar 2029-miit atuutilersinneqarsinnaaqquillugu. Aalisarnerulli ilusilersugaanera, siunnersuisarnerni periutsit (tassunga ilanggullugit nalilersuinermi najoqqtassat) assingusulluunniit piffissap taassuma ingerlanerani annertuumik allannngussagaluarpata nutarterisoqarsinnaavoq. Taamaalilluni aqtsinissamik pilersaarut maannakkut aalisarnermut naleqqiullugu naapertuuttuunersoq atorneqarsinnaassusialu qulakkeerneqassaaq. Kalaallit Nunaanni saarullinniarneq pillugu aqtsinissamut pilersaarut tamakkiisoq piareerneqariarpal.

Aqtsinissamik pilersaarummic allannguineq suugaluartorluunniit Naalakkersuisunit akuerineqassaaq. Ilanngussami tapiliunneqartumi allannguinerit Aalisarnermut Piniarnermullu Naalakkersuisoqarfimmit (APN-imit) allaffissornikkut isumagineqarsinnaapput.



Assi: Arctic Prime Fisheries ApS

1.3 INATSISIT AAMMA AQUTSINISSAMIK AKISUSSAAFFIIT

Aalisarneq pillugu Inatsisartut inatsisaat (Aalisarnermut Inatsit) naapertorlugu kalaallit aalisarnerinik Naalakkersuisut malittarisassaqartitsisnnaapput. Naalakkersuisut nunatta imartaani aalisarfiusuni aalisagaqatigiikkuaanut ukiumoortumik pisassat (TAC) aalajangersartarpaat pisassanillu nunami inatsisit nunanilu tamalaani isumaqatigiissutit naapertorlugit agguattarlugit.

Kalaallit Nunaanni aalisarnermiq aqutsineq tamatumunngalu akisussaaffik Naalakkersuisuniippoq aamma Aalisarnermut Piniarnermullu Naalakkersuisumiilluni. Naalakkersuisoq aalisarnermut inatsimmi atuuttumi tunngavissat malillugit aalajangiiffigisassatut siunnersuutissanik piareersaasiortarpooq. Siunnersuuit taamaattut Naalakkersuisut akuttungitsumik ataatsimiittarnerini aalajangiiffingineqartussangorlugit (itigartinneqartussangorlugilluunniit) saqqummiunneqartarput.

Aalisarnermi akuersissutinut pisassiissutinullu tunngatillugu aalajangersakkat sukumiinerusut ilaatigut Aalisarsinnaanermut akuersissutit pisassiissutilu pillugit Namminersorlutik Oqartussat nalunaarutaanni atuarneqarsinnaapput.

Aalisarneq pillugu inatsit atuuttoq naapertorlugu ataatsimut isigalugu suliassanut aqutsinermut tunngasunut apeqqusikkanut Aalisarnermut Piniarnermullu Naalakkersuisoq Aalisarneq pillugu Siunnersuisoqatigiinnut tusarniaasarnissaminik pisusaafeqarpoq. Aalisarneq pillugu inatsimmi Aalisarneq pillugu Siunnersuisoqatigiit katitigaanerat aamma erseqqissarneqarpoq.

2

AALISARNERMUT AVATANGIISINULLU TUNNGATILLUGU AALISAKKAMIK ILISARITITSINEQ



Nunatta imartaani saarulliit suffisarfinnit assigiinngitsuneersuusarput. Aalisarnissanut periarfissat piujuartitsisumik pitsanggor-sarneqarnissaat patajaallisarneqarnissaallu siunertaralugit ICES-mit siunnersuisoqartarpooq.

Suffisartut tassaapput:

- Kitaani sinerissap qanittuata avannaatungaani saarulliit suffisartut
- Kitaani sinerissap qanittuani kujataatungaani saarulliit suffisartut
- Kitaata avataani saarulliit suffisartut
- Tunup Islandillu avataanni saarulliit suffisartut

Suffiffigup nalaani saarulliit inersimasut suffiffigisamik qanitaannut suffiartorlutik utertarput, uffa saarulleeqqat sumiifimmiiginnartartut. Taamaattumik ukiup ingerlanerani piffissani tamani akuliuttarput, taamaalillutik saarullitarineqarsimasut suffifiusimasunit assigiinngitsuneersuusarput. Saarullik saarulliit sorlernit suffiarineqarsimanersoq sananeqaataasigut, gener, misissorlugu paasineqarsinnaavoq taamaattumillu sumiiffii naapertorlugit pisassinneqartarpoo - suffisarfikkuutaarnagut.

Tunup Islandillu avataanni saarulliit suffisartut

Tunup aamma Kitaata kujataata imartaanni saarulliit Tunup imartaani suffisimasut alliartorsimasullu aamma saarulliit Islandip imartaani suffisimasut aamma suaallutik aalisagaaraallutillu nunatta imartaani alliartorfissaminut sarfaatsissimasut aalisarneqartarpoo. Saarulliit Islandip imartaaneersut suffisussanngoraangamik amerlasoorsuanngorlutik Islandip imartaanut utertarput. Saarulliit suaat Islandip imartaaneersut takkussuuttuartarpoo, kisianni saarulliit suappassui tassanngaanneersut qaqutigorsuaannaq naammattoorneqartarpoo (kingullermi suaat amerlarujussuart nalunaarsorneqarsimasut Islandimiunenerneqartut 2003-meersuupput). Saarulliit nunatta imartaanit Islandip imartaanukaasartut ilaatigut oqaluttuarisaanermi qangalili maannakkullu nalunaaqutsersuisarnikkut uppernarsarneqarpoo, soorluttaaq suaat saarulleeraaqqallu Islandip imartaanit nunatta imartaanit sarfaatsinnejartartut uppernarsarluarneqarsimasut. Dohrn Bankemi saarullitarineqartartut agguaqatigiissillugit sumiiffinit allanit malunnaatilimmik anginerusarput, tamatuma Islandip imartaanit Dohrn Bankemut saarullippassuit nikerartarsimanerat ilimanarsisippaa. Taamatut saarulliit nikerartarnerat ammassanik nunatta imartaanukaasunik nerisassarsortarnerannik pissuteqassangatinneqarpoo; pissutsilli ersarinnerusut ilisimaneqanggillat aamma taamatut nikerarnerni saarulliit qanoq amerlatigisarnerat pillugit misissuisoqartariaqarnera nassuerutigineqarpooq.

Saarulliit Tunup aamma Islandip imartaani suffisimasut sananeqaataasigut sumiissuserneqarsinnaanngillat, tamakku Tunup aamma Islandip imartaasa avataani suffisarpoo. Taamatut saarulleqassutsimik ICES-imi immikkut nalilersorneqartarpoo (Islandip nunattalu imartaanni). Tunup imartaani Kleine Banke suffisarfiit pingaarnersaraat. Saarulliit martsip aamma maajip qaammataanni suffiartorlutik Kleine Bankemut katersuuttarpoo. Piffissami suffiffigup avataani saarulliit siammarsimanerusarput.

Saarulliit nunatta imartaanut aamma nunatta Islandillu imartaasa akornini nikerartarnerisa ilisimaneqarnerisa pitsangorsarneqarnissaat siunertaralugu saarullinniutit saarullinniaqataasut Pinngortitaleriffimmi uumassusilerituut misissugassaannik (ukiui takissusiilu) katersisaqqullugit peqquneqarsinnaapput. Uumassusilerituut misissugassaannik misiligtissanik katersisarnissanik piumasaqaat Pinngortitaleriffik suleqatigalugu Aalisarnermut, Piniarnermut Nunalerinermullu Naalakersuisoqarfimmi aalajangersarneqartarpoo tamannalu pillugu ilitsersuutit sukumiinerusut akuersissutinut ilanggussatut ilanggunneqarpoo.

Avataani kilisaatit ningittagarsuutillu saarullinniartarpoo. Kalaallit saarullinniutaat amerlanerpaanik saarullittarpoo aamma saarullinniutit Savalimmiuneersut, Norgemeersut EU-milu nunanit allaneersut pisassiissuteqarlutik, pisassiissutit tamakku nunanik tamanik nunatsinnillu isumaqtiginniarnikkut pissarsiarineqartarpoo, saarullinniaqataasarpoo.



Assi: Julius Nielsen, Pinngortitaleriffik


3

SIUNNERSUINEQ KIISALU AALISARNERMI AQUTSINISSLAMUT TUNNGAVIGINEQARTUT

3.1 ILISIMATUUSSUTSIKKUT SIUNNERSUINEQ

ICES (International Council for the Exploration of the Sea) nunatta imartaani saarulliit pillugit siunnersuisarpoq. Oqaatigin-eqareersutut suffisartoqatigiit tunngavigalugit siunnersuisoqartarpooq - sumiiffikuutaarnagit. Saarulleqatigiikkutaat sisamat assiginnngitsut siunnersuiffigineqartarpooq:

- Kitaani sinerissap qanittuani avannarpasinnerusumi saarulliit suffisartut
- Kitaani sinerissap qanittuani kujasinnerusumi saarulliit suffisartut
- Kitaata avataani saarulliit suffisartut
- Tunup Islandillu avataanni saarulliit suffisartut



Titartagaq 1: Suffisartoqatigiikkutaat siammarsimancerat. Sinerissap qanittuani suffisartut Kitaata avataani qaqtiguiinnaq naammattoorneqartarpooq.

Suffisartoqatigiikkuutaat akuleriittarput taamaattumillu Kitaani aqutsiveqarfinnut siamarlutik akuleriittarput. (ilusilersugaq 1).


ICES-imitnunattaimartaatasaarulliinikilisimatuussutsikkutsiunnersuineritukiuttamaasajunimitamanutsaqquunniunneqartarput.

Saarulliit Kitaata imartaani suffisartoqatigiikkuutaat assigiinngitsut pingasut pillugit ICES-imi siunnersueriaaseq misissueqqissaarluni periuseq ^{1²} siunnersuinernut tunngaviuvoq. Periutsimik taassuminnga atuinariaraanni saarulleqatigiinni aalisarnernilu saarulliit ukioqqortussusiat angissutsimkullu inissitsiternererat pillugit uppernarsaateqartoqartariaqarpooq. Naatsorsuinerni aalisarnernit paasissutissat atorneqartarput, immap naqqatigut kilisalluni ilisimatuussutsikkut misissuinerit marluusunit aamma sinerissap qanittuani qassutit atorlugit misissuinerit atorlugit. Piviusumik aalisarnernit paasissutissat ukioqqortussutsit malillugit agguataakkat kalaallit immap naqqani kilisallutik misissuineranneersut (50-600 m) 2005-imi juni - julimiilli (2021 kisiat pinnagu), tyskit immap naqqani kilisallutik misissuineranneersut (50-400 m) 2000-imi oktoberimiilli (2021 kisiat pinnagu), sinerissap qanittuani qassutit atorlugit misissuinerit maj-juni 2002-miilli (2007-2009 kisiisa pinnagit) ilaatinneqarput.

Tunup Islandillu avataanni saarulliit suffisartut siunnersuivigineqarnissaat ajornakusoortarput, tassami saarulleqatigiikkuutaat assigiinngitsut akunnerminni inissitsiternerannik savitussusiannillu Tunumi sumiiffinni assigiinngitsut ilisimasat assigiinngitsorujussuummata. Sumiiffik avannarpasinnerusoq (ICES-imi siunnersuisarfik 14a) uumassusilerituunit misissuiffigineqaranilu iluanaarniutigalugu aalisarfunningilaq. Tassa imaappoq aqutsiveqarfimmi Tunup avannaani saarulleqassuseq tamakkulu siammarsimannerat ilisimasaqarfingineqangnitsut. Dohrn Banke ilisimatuussutsikkut misissuiffigineqalaarpooq aamma saarulleqassutsimik naatsorsuinissanut iluaqutaasussamik tassani aalisartoqartorujussuovoq. Saarulliit inersimasut Islandip imartaaniit Dohrn Bankemut ingerlaartarnerat ilimagineqarpooq, kisiani tamanna ilisimatuussutsikkut uppernarsineqarsimannilaq. Nalorninartut tamakku pissutigalugit ilisimatuussutsikkut siunnersuinerit taamaallaat 2022-mi ICES-ip siunnersuisarnerani pisaniit taamaallaat tunngaveqarput ^{5³}.

Uppernarsaatit tamakku Kalaallit Nunaanni Aalisarsinnaanermut Akuersissutinik Nakkutilisoqarfimmit (KANUANA) aamma Pinngortitaleriffimmit tunniunneqartarput.

Siunnersuisarnerni periutsip pitsaanerpaap atorneqarnissaa qulakteerniarlugu benchmark assessments-imik taaneqartartumik suliaq ingerlaavartumik nalilersorneqartarpooq.



Assi: Royal Greenland A/S

2 Siunnersuisarnerit ICES-imi siunnersuisarnerni immikkoortoq 1 malillugu siunnersuisarnerit immikkoortinneqartarnerat imatut paasineqassaaq, pitsaanerpaamik nungusaataanngitsumik atorluaanissamat tunngaviit malillugit (maximum sustainable yield (MSY) aalisakkat toqusarnerannik ersersitsisumik (F) aalisagaqtigiiinnik atuinissat annertussusiannik aalajangersaanissamat aalisagaqtigiiit uummaarissusiat pillugit paasissutissanik naammattunik peqarnissat ilisimasaqarnissallu).

3 Siunnersuisarnerit ICES-imi siunnersuisarnerni immikkoortoq 5 malillugu siunnersuisarnerit immikkoortinneqartarnerat imatut paasineqassaaq, pitsaanerpaamik nungusaataanngitsumik atorluaanissamat tunngaviit malillugit (maximum sustainable yield (MSY) aalisakkat toqusarnerannik ersersitsisumik (F) aalisagaqtigiiinnik atuinissat annertussusiannik aalajangersaanissamat aalisagaqtigiiit uummaarissusiat pillugit paasissutissanik naammattunik peqarnissat ilisimasaqarnissallu). Taamaattumik mianersortumik tunngavigalugu siunnersuisoqartarpooq, tassalu 2022-mi pisarineqarsimasut 20 %-inik ikilisillugit.

3.2 TAC-NIK AALAJANGERSAANERIT PISASSISSIONILLU AGGUAASSINERIT

3.2.1 TAC-nik aalajangersaaneq

Saarulliit 2023-mi misissuiffigineqarput. Misissuinerit takutippaat saarulliit sumi suffisarneri aallaavigalugit aalisagaqatigiittut agguerneqarsinnaasut. Tamatuma malitsigisaanik ICES-i aalisagaqatigiit suffisartut sisamat aallaavigalugit siunnersuisalerpoq. Aalisagaqatigiit sisamaasut tassaapput: Nunatta avannaata-kitaani sinerissap qanittuani aalisagaqatigiit suffisartut, Nunatta kujataata-kitaani sinerissap qanittuani aalisagaqatigiit suffisartut, kitaata avataani aalisagaqatigiit suffisartut kiisalu alisagaqatigiit Tunumi suffisartut. TAC aalisarnermut inatsit naapertorlugu aalisagaqatigiinnut aalajangersarneqartarpoq tamatumalu kingorna TAC pisassiissutinngorlugit aqutsiveqarfittalerlugillu agguaanneqartarpuit.

TAC-it Kalaallit Nunaanni piujuartitsineq tunngavigalugu saarullinniarnerit qulakkeerneqarnissaannik anguniakkat tunngavigalugit aalajangersarneqartarpuit. Pinngortitaleriffimmit ilisimatuussutsikkut siunnersuinerit ICES-imit uppernarsarneqarsimasut TAC-inik aalajangersaanermi aallaavigineqartarpuit.

Takussutissiaq 1: Aqutsiveqarfinni TAC-ip aalajangersarneqartarneranik TAC- llu annertussusaanik nassuaatitalik

Tunup Avanna: Aningaasarsiutigalugu aalisarneq pillugu saqqummiisoqannginnerani piffik sukumiineru-sumik misissuiffigineqaaqqaartariaqarpoq. Taamaattumik Tunup Avanna misileraalluni aalisarfittuinnaq immikkoortinneqarpoq. Aqutsinissamut pilersaarutip uumap siunertaraa Aalisarnermut Piniarnermullu Naalakkersuisup ukiumortumik Tunup Avannaani aqutsiveqarfimmi misileraalluni saarullinniarnermik aalajangiinssamut siunnersuut Naalakkersuisunut saqqummiuttassagaa. Aalisarnermut Piniarnermullu Naalakkersuisoqarfiup Pinngortitaleriffik suleqatigalugu malittarisassat atuuttut naapertorlugin misileraalluni aalsarnissamut sinaakkutit aalajangersartassavaat.	Aningaasarsiutigalugu pisassiissutinik aalajanger-saasoqanngilaq.
Ikkannersuarmi Dohrnimi: Tunumi aalisagaqatigiit suffisartut ilaatigut nuttarnerat pillugu 'paassisutissanik katersanik amigaateqarneq' peqqutigalugu piffissami matumani Tunumut siunnersuineq suliarineqarpoq. Siunnersuineq 23.518 tonsiupoq tamannalu 2022-mi pisaniit 20 %-mik appariarneruvoq. Nuttarnerat eqqarsaatiginerullugu ilusilersukkamik sanasoqarnissaata tungaanut siunnersuineq allannguiteqarani 23.518 tonsiupoq. Saarulliit Islandip Kalaallillu Nunaata akornanni nuttarnerannik paassisutissanik annertunerusunik nalornissuteqarneq pissutiginerullugu aammalu aalisagaqatigiit pillugit pitsaanngitsunik kinguneqartoqarnera takussutissaqanngimmat pisassiissutit 25.000 tonsinut aalajangiunneqarput. CPUE ⁴ -p aammalu sumiiffinni aalisarnerup siammarsimanera ukiut ingerlanerini malittarineqassaaq. CPUE ingerlaavartumik qaffak-kartussappat TAC 10%-mik qummut naleqqussarneqarsinnaavoq. Illuatungaallu aalisarnerup iluani appariartortoqassappat TAC 15%-mik ammut naleqqussarneqarsinnaavoq. Ukiut pingasut ingerlaneranni CPUE annertuumik allannguiteqassagaluropat ass. +/- 50 % Aalisarnermut Siunnersuisooqatigiit eqqartueqatigiinnissamut aggersarneqassappat.	25.000 tonsit
Tunup Kujataa:	7.900 tonsit

Aalisarnermut Piniarnermullu Naalakkersuisup saarullinnut TAC-it pillugit aalajangiiffigisassatut siunnersuutip Naalakkersuisunut saqqummiutinnginnerani suliassami Aalisarneq pillugu Siunnersuisooqatigiit tusarniaffigineqarsimapput, Siunnersuisooqatigiillu taakku tusarniaassummut akissuteqaataat inassuteqaammut tunngavigineqartut ilagisarpaat.

4 Catch per unit effort

3.2.2 TAC-nik agguaassineq

TAC-it tamakkiisut aalajangersarneqareeraangata Naalakkersuisut nunat marluk akorngini isumaqtiginninniarnerit aallartittarpaat. Ataatsimiinnerni angusat aallaavigalugit TAC-it aalajangersarneqareersimasut ilaat nunanit allanit pisarineqartussanngortinneqartarput.

Illuatungerilluni isumaqtiginninniarnerit Naalakkersuisunit naammassineqareeraangata TAC-it sinneruttut kalaallit aalisartuinut agguaanneqartarput.

3.3 MALITTARISASSIORIAATSIT

3.3.1 Pisassiissutit amerlassusissaannik aalajangersaanerit

Avataasiorluni aalisarnerit akuersissutit piffissamut killiligaasut amerlanerpaanillu pisaqarnissamut akuersissutitallit atorlugit aalisarnerit aqunneqarput. Aalisarsinnaatitaanermut akuersissutit sumiiffinnut aalajangersimasunut atuupput pisassiissutillu aqutsiveqarfait assigiinngitsut akornanni nuunneqarsinnaanngillat.

Kalaallit Nunaata illugiiluni isumaqtigisiutta atuuttut naapertorlugit Aalisarnermut Piniarnermullu Naalakkersuisoqarfik nunanut allanut imaluunniit nunani allani ingerlatsisunut aalisarsinnaanermut akuersissutinik tunniussisarpoq.

Kalaallit aalisartui Aalisarnermut Piniarnermullu Naalakkersuisup isummernissamut tunngavissiatigut tunngavilersuutai naaper-torlugit avataasiorluni aalisarsinnaanissamut akuersissummiik Naalakkersuisunit tunineqartarput. Aalisarsinnaanermut akuer-sissutit pisassiissutillu pillugit Namminersorlutik Oqartussat nalunaarutaat napertorlugu pisassat agguaanneqartarput.



Assi: Royal Greenland A/S

3.3.2 Sumiiffiit pillugit aalajangersaanerit

Tunumi, avataasiroluni saarullinniarneq nunatta EEZ-iata ilaani piffinni siunnersuiffigineqarsimasuni 3 somilimillu killeqarfip avataani ukunani ICES 2a, ICES 2b, ICES 5a2, ICES 12a3, ICES 14a aamma ICES 14b ingerlanneqarsinnaavoq.

Takussutissiaq 2 : Aqtsinissamut pilersaaruteqarfinnut aqtsinissamut nassuaat

Aqutsiveqarfik:	Aqutsiveqarfik pillugu nassuaat:
Tunup avannaani	Sumiiffimmi Kalaallit Nunaata avannaani Tunumilu aamma 42° V-p kangiani inissisimasoq (allorniusaq kippasissoq) killeqarfik imartap oqartusaaffigisap avataaniittooq (titarneq killigititamiit 3 somil tungaanut atuttooq) aalisarnermut oqartussaaffigisap killingata tungaanut (Kalaallit Nunaata aningaasarsiornikkut oqartussaaffigisaata killinga) allorniusaq kippasissoq 27° kujammut killigititaq.
Ikkannersuarmi Dohrnimi	Sumiiffimmi 27° V-p kitaani inissisimasoq (allorniusaq kippasissoq) killeqarfik imartap oqartussaaffigisap avataaniittooq (titarneq 3 somilip killigititaaniit atuttooq) aalisarnermut oqartussaaffigisap killingata tungaanut (Kalaallit Nunaata aningaasarsiornikkut oqartussaaffigisaata killinga) kujataanut 63°45' -p tungaanut killilik (avannarpasissumu allorniusaq sanimukartoq) aammalu kimmut 35°15'V-p tungaanut (allorniusaq kippasissoq).
Tunup Kujataa	Sumiiffimmi 63°45' N-p kujataani inissisimasoq (allorniusaq sanimukartoq) aammalu 35°15'V-p kitaatungaaniittooq (allorniusaq kippasissoq) killeqarfik imartap oqartussaaffigisap avataaniittooq (titarneq 3 somilip killingata avataaniittumiit) aalisarnermut oqartussaaffigisap killingata tungaanut (Kalaallit Nunaata aningaasarsiornikkut oqartussaaffigisaata killinga) kujataanut 42° V-p tungaanut killilik (allorniusaq kippasissoq) aamma 59°N-p avannaata tungaanittooq (allorniusaq kippasissoq sanimukartoq) aammalu 44° V-p kangiani (allorniusaq kippasissoq)
Kleine Banke	Nunatta imartaani aalisarnermut oqartussaaffigisaani sumiiffiit taakkartorneqartut iluiniittut: Avannarpasissuseq 65°00'; kippasisssuseq 38°00'; avannarpasissuseq 65°00' - kippasisssuseq 35°15'; avannarpasissuseq 64°00' - kippasisssuseq 35°15' aamma avannarpasissuseq 64°00' - kippasisssuserlu 38°00'

Suffisarfiit piffissap ilaani aalisarfigeqqusajunnaartarneri

Saarulliit Kalaallit Nunaata imartaani suffisartut pitsaanerpaamik atugassaqtinniarlugit imartat makku piffissami aalajangersimsumi matoqqatinneqartarnissaat aqtsinissamut pilersaarummi uani allassimapput.

Kleine Banke

Kleine Banke Tunup imartaani suffisarfiit pingaarnersaraat. Imartaq 1. martsimit 31. majimut aalisarfigeqqusajunnaarlugu matoqqasarpoq.

Saarulliit Kleine Bankimut tassanngaaniillu suffiartorlutik nikittarneri paasisaqrfiginerujumallugit Kleine Bankimi suffiffiup nalaani 1.000 tonsit angullugit aalisarneqarsinnaapput. Aalisarneq kalaallit aalisariutaat kisiisa atorlugit ingerlanneqarsinnaassaaq, taakkulu ilisimatuussutsikkut misissugassanik tigusisarnissamik piumasaqaat aammalu saarulliit suffiartorlutik nikittarnerinut tunngasut erseqqinnerusumik paasineqarnissaasa tungaanut piumasaqaatinik allanik naammassinnissimassapput. Piffissami suffiffiusumi Kleine Bankemi aalisarnissamut akuersissummik pissarsiniaraanni aqutsiveqarfimmut Tunup kujataani aalisarnissamut akuersissutaatillit ukiumi pineqartumi 1. februaari nallertinnagu Aalisarnermut, Piniarnermullu Naalakkersuisoqarfimmut qinnuteqaammik nassiuississapput. Qinnuteqarnissamut piffissaliunneqartup qaangiunnerata kinguningua Naalakkersuisoqarfimmiut qinnuteqaateqartunik aamma Pinngortitaleriffimmiunik aalisarnissanut tunngavissat sukumiinerusumik aalajangersarneqarnissaat pillugit ataatsimeeqateqassapput, aalisarnissat tamakkut Naalakkersuisoqarfimmi qinnuteqaateqartunik aamma Pinngortitaleriffimmiunik siunersiuisoqareerneratigut ukumoortumik aalajangersaaffigineqartarpuit. Tamanna tunngavigalugu qinnuteqaateqartut piukkunnartut katillugit 1.000 tonsinik qinnuteqaateqartunut piukkunnartunut aguaanneqartunik aalisarnissaminutakuersissutinik tunineqassapput.

3.3.3 Piujuartitsinissamik teknikkut iliuuseqarnerit aamma immami ataqtigiinnernik mianersuuttariaqartunik aqtsinerit

Aalisarneq aamma imaani sumiiffinnik mianernartunik aqtsineq Piujuartitsineq siunertalarugu aalisarnerup teknikkut iluarsartuussivigineqarnera pillugu Namminersorlutik Oqartussat nalunaarutaat malillugu malittarisassaqartinneqarput, tassungalu ilanngullugu sumiiffinni aalajangersimasuni aalisarnissamut inerteqquteqarneq aamma sumiiffinni nutaani aalisarnermut tunngasut. Nalunaarummi tassani tamatuma saniatigut uumasunik peqarfiusuni koralinik, imaani lu pupinnik sumiiffit aalisarnermut matuneqarnissaat pillugu piumasaqaatit pillugit ilitsersuuteqarpoq.

Naalakkersuisunit siunniunneqarpoq imaani uumassuseqarfiiit manna tikillugu sunnerneqarsimangitsut ajoquserneq-annginnissaat. Nalunaaruteqarnermi, ilisimatuussutsikkut misissuinermi imaluunniit nakkutilliinermi aalisarnerup siaruarsimanera malunnartumik allanngorsimanera paasineqarpat, Aalisarnermut Piniarnermullu Naalakkersuisoqarfiup, Pinngortitaleriffik aamma Aalisarneq pillugu Siunnersuiisoqatigiit isumasioreerlugit, sumiiffit mianerisariaqarsinnaasut illersorniarlugit aalisarneq killilersuiffingeqassanersoq nalilissavaa.

Imarmi mianerisariaqartut pillugit sukumiisumik toqqaanernut malittarisassaqartitsinernullu nassuaanerit piumasaqaatillu piffissami aggersumi immap naqqa pillugu aqtsinissamik pilersaarummut ilanngunneqassasut naatsorsuutigineqarpoq.

3.3.4 Aalisarnermi saniatigut pisanik aqtsineq

Aalisarnerni saniatigut pisat Aalisarnermi saniatigut pisat pillugit Namminersorlutik Oqartussat nalunaarutaat aamma Aalisakkanik aalisakkanillu tunisassianik tunisisarnerit pillugit nalunaarusiortarnerit pillugit Namminersorlutik Oqartussat nalunaarutaat naapertorlugit suliarineqassapput nalunaarsorneqarlutillu.

Aalisarnermi saniatigut pisat tamarmik nalunaarutigineqassapput. Aalisarnermi saniatigut pisat tamarmik pisiortortumut tunineqartut saarullinnik tunisinerup nalaani pisarneq malillugu pisiortortumut nalunaarutigineqassapput. Taamaalilluni aalisarnermi saniatigut pisat pisassiinermik tunngaveqartumut aalisarnermut ilaapput, annertussusaalu pisassiissutinit ilanngaatigineqassallutik.

Tunumi avataasioluni aalisarnermi saarullit suluppaakkallu assigiimmik siammarsimaffeqarput saarullinniarnernilu suluppaakkanik pisaqartarneq avaqqunneqarsinnaanngilaq. Aalisariutinut Tunumi saarullinniartunut suluppaagarniarnissamut akuersissuteqartarnissaq Naalakkersuisoqarfimmit pingartinneqarpoq, taamaasilluni saarullinniarnermut atatillugu suluppaakkat pisat maleruagassat malillugit pisassanit nalinginnaasumik ilanngaatigineqartalissammata.

Nalunaaruteqarnermi, ilisimatuussutsikkut misissuinerni nakkutilliinermiluunniit uumasut aalajangersimasut pisarisuukkat sumiiffimmi piffissamiliunniit sivikitsumi amerlappata, Aalisarnermut Piniarnermullu Naalakkersuisoqarfiup Pinngortitaleriffik aamma Aalisarneq pillugu Siunnersuiisoqatigiit suleqatigalugit uumasut uumassusilerinermet atatillugu killiffia eqqarsaatigalugu saniatigut pisat annertussusiisa naammaginartumik annertussuseqarnissaannut immikkut iliuuseqarnissaq qulakkeerneqassanersoq nalilissavaat. Taamatut iluuseqarnermi sumiiffimmi imaluunniit piffissakkaartumik matusinerit iliuusissalluunniit allat pineqarsinnaapput, tamatumanilu uumassuseqarnermi pisinnaasat saniatigut uumassuseqartut artukkinnginnissaat qulakkeerneqassaaq.



Assi: Polar Seafood A/S

4

NALUNAARUTEQARTARNEQ NAKKUTILLIINERILLU

4.1 NALUNAARUTEQARNEQ

Avataasioluni aalisarnerni aalisariut / naalagaq assigiinngitsunik arlalinnik nalunaarusiortussaatitaffeqarpooq. Aalisarnerup nakkutigineqarnera aalisariutip allattaaveqartussaataaneratigut siullerpaamik pissaaq. Allattaavissornissaq sioqqullugu aalisariutit anginerusut suliatik pisatillu pillugit nalunaarutnik nassiusuissapput, tassunga ilanngullugit aalisarneq, tikanneq, sap. akunnikkuutaartumik aamma aalisangginneq pillugit nalunaarutit. Tamatuma saniatigut aalisariutit 50 BRT/BT 90-isut oqimaatsigisut oqimaannerusulluunniit VMS-imik taaneqartartumik (Vessel Monitoring System) elektroniskiusunik nakkutilliissutinut ilaatinneqarput.

4.2 NAKKUTILLIINEQ, MISISSUINEQ AAMMA NAKKUTIGINNINNERILLU (MCS)

Aalisarnerit KANUAANA-mit nammineerluni aalisariutiniilluni nakkutilliinkut allaffissornikkulluunniit nakkutigineqarput. Avataasioluni aalisarnerit nakkutigineqarnerat imannak sularineqartarpooq:

- Nalunaarutnik misissuinikkut, allattaavinnit paassisutissatigut, tunisinernit paassisutissatigut angallatinillu nakkutiginninkut, tassunga ilanngullugit nalunaarsuinikkut nakkutilliinkkullu
- Tulaassi nerni nakkutilliinerit / Port State Control (PSC)
- Angallatini nakkutilliisut
- Imaani nakkutilliinerit (Issittumi Sakkutooqarfik)



Assi: Arctic Prime Fisheries ApS

Allaffissorluni nakkutilliinerit KANUAANA-p Nuummi qullersaqarfianit ingerlanneqartarpuit paasissutissat nakkutiginnittusaatitaaneq allattaaveqartussaatitaanerlu naapertorlugit KANUAANA-mut tunniunneqartut malillugit angallatinik nakkutilliinerit ilanngullugit. Taamaalilluni assersuutigalugu pisat amerlassusiat sumiiffillu pillugit nalunaarusiat nalunaarutigineqartut tamarmarmik assigiinersut qulakkeerniarlugit allattaavinnut VMS-inillu paasissutissat sanillersunneqartarpuit. Tamatuma saniatigut KANUAANA-mi Port State Control (PSC) isumagineqartarpuit, tamatumani KANUAANA-mi kalaallit pisarisimasaat nunani allani umiarsualivinnut tulaanneqartut uppermarsarneqartarpuit aamma nunanit allamiut aalisariutaasa nunatsinni umiarsualivinnut tulaassaat misissorneqartarlutik.

KANUAANA-mi avataani aalisarnerni ilaallutik nakkutilliisartunik arlalinnik nakkutilliisoqarpoq. Nakkutilliisut kalaallit nunallu allamiut aalisariutaannut nunatta imartaanni aalisarnissanut akuersissutaatilinnut imaluuniit kalaallit aalisariutaannut nunat tamalaat imartaanni aalisarnissamut akuersissutaatilinnut ikisinneqartarpuit / ilaatinneqartarpuit.

Tamatuma saniatigut KANUAANA Issittumi Sakkutooqarfimmuniuk timitaliillutik aamma nakkutilliisartunik suleqateqarluarpoq. Issittumi Sakkutooqarfimmuit avataasiortutik saarullinniartunut tamanut ikisinnaatitaapput, nakkutilliisussaatitaapput aammalu tigusarinissinnaatitaallutik. Issittumi Sakkutooqarfimmii ilinniarsimasunik aalisarnermut aqumioqarput, tamakku aalisarnermut atortunik aamma lastimiittut allattaavinnut allanneqarsimasunut naapertuunnersut misissorsinnaavaat. Issittumi Sakkutooqarfik politiitut oqartussaassuseqarput, tamannalu Kalaallit Nunaanni Politimestereqarfik suleqatigalugu isumagineqartarpooq.

KANUAANA-mi timitaliilluni nakkutilliinerit kingullit tassaapput avataasiortutik aalisartut tulaassinerini misissuinissat. Aalisariut Kalaallit Nunaanni umiarsualivimmuit tikkaangat usingiartussangoraangallu KANUAANA-mi aalisarnermut nakkutilliisut tulaassanik nakkutilliisarput. Usingiarneq tamaat nakkutilliisunit nakkutigineqartarpooq tamakkulu aalisakkanit tunisassiassanik poortutissartaannillu sukkut tamaana tigusisarlutik misissuisarput.

Ullut tamaasa nalunaaruteqartarnerit

Pisassiissutit aalisariutilluunniit pisassai nunguleraangata aalisariut pineqartoq ullut tamaasa nalunaarsukkanik nassiussuisaqqullugu KANUAANA-mit peqquneqarsinnaavoq. Nalunaarutit tamakku sapaatit akunnikkuutaartumik nalunaarutaasartut assinganik imaqartassapput. Tassa aalisarnerit qanimat nakkutiginerujumallugit piffissarlu eqqorlugu matusisoqarniassammat taamatut iliortoqartarpooq.

Aalisarnerup unitsinnera

Pisassiissutit nunguleraangata aalisarnerit pineqartut KANUAANA-mit oqartussaasutut matuneqarsinnaatitaapput. Matusineq pillugu tusagassiorfitsigut nalunaaruteqartoqartarpooq.

Aalisarnermik nakkutilliinermut tunngatillugu aalajangersakkat tamakkiinerusut Aalisarnermik nakkutilliineq pillugu Namminersorlutik Oqartussat nalunaarutaani atuarneqarsinnaapput.

Umiarsuup elektroniskimik allattaavii

Aalisariutit 17 meterimit tamakkiisumik takissusaa (LOA) takinerusut tamarmik juni 2022-mit umiarsuup allattaaviinik elektronoskiusunikatuusangortinnejqarputatortorlutaanna KANUAANA-psakkussaanutilaalerluni. Umiarsuup elektroniskimik allattaaviinik (ERS) atuilerneq suliat sukkanerusumik suliarineqartalerneranik erseqqinnerusunillu paasissutissaateqalernermik kinguneqassaaq KANUAANA-ilu pingaartumik avataasiortunik nakkutilliisarnerinik pitsangoriartitsissalluni. ERS -imik atuilerissaq kinguaattoortarsimavoq pingaartumik ERS-ip aammalu KANUAANAP paasissutissanik ketersuvia LULI akornanni teknikkut unammilligassartaqtarsimammat, massakkulli killiusoq eqqarsaatigalugu isumalluararluni. Umiarsuup elektroniskimik allattaaviinik aalisariut ataasinnguarluunniit tamakkiisumik atuilersimanngilaq ERS-ilu suli misiligarneqarluni. Taamaattumik aalisariutit kalluarneqartussat tamarmik suli qangatut allattuisarput.



Assi: Julius Nielsen, Pinngortitaleriffik

4.3 NALUNAARUTIGINNITTARERIT

Aalisarnermi malittarisassanik unioqqutitsisoqarnerani KANUAANA-mit politiinut nalunaarutiginnittoqarsinnaavoq.

Inatsisini atuuttuni aalajangersakkanik unioqqutitsinerit tamarmik akiliisitaanermik kinguneqarsinnaapput. Kalaallit Nunaanni aalisarneq pillugu inatsisit attuumassuteqartut tamakkerlutik nalunaarutit.gl aqqutigalugu pissarsiarineqarsinnaapput.

Kalaallit Nunaanni aalisarnermi malittarisassanik imaluunniit saarullinniarnermut akuersissut pillugu unioqqutitsinermi taassuma atorneqarsinnaatitaaneranut killiliissutinik kiisalu pissutsit ilungersunarnerutillugit imaluunniit unioqqutitsisoqaqqitsillugu piginnaatitaaffimmik arsaarinnitoqarsinnaavoq. Tamanna Naalakkersuisut aalajangissavaat, nalunaarutigineqarneraniillu ullut 15-it qaangiutsinnagit Kalaallit Nunaata Eqqartuussivianut tamanna suliassanngortinnejqarsinnaalluni.



Assi: Julius Nielsen, Pinngortitaleriffik

5

INNERSUUSSUTIT ILANGUSSALLU

LANNGUSSAQ 1. INATSISIT ATUUTTUT IMMIKKUT ATTUUMASSUTILLIT

- Aalisarneq pillugu Inatsisartutinatsisaat nr.18, 31.oktober 1996-imeersoq (kingusinnerusukkutallannguutitalik)
- Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 74, 28. november 2023-imeersoq
- Piujuartitsineq siunertaralugu aalisarnerup teknikkut iluarsartuussivigineqarnera pillugu Namminersorlutik Oqartussat nalunaarutaat nr. 4, 30. marts 2017-imeersoq
- Aalisarnermi saniatigut pisat pillugit Namminersorlutik Oqartussat nalunaarutaat nr. 14, 6. december 2011-imeersoq
- Aalisakkanik aalisakkanillu tunisassianik tunisisarnermik nalunaarutiginnittarneq pillugu Namminersorlutik Oqartussat nalunaarutaat nr. 7, 4. april 2016-imeersoq
- Aalisarnermik nakkutiliineq pillugu Namminersorlutik Oqartussat nalunaarutaat nr. 39 20. januar 2023-meersoq.
- Qaammataasat atorlugit aalisariutinik nakkutiliineq pillugu Namminersornerullutik Oqartussat nalunaarutaat nr. 21, 30. maaji 2001-imeersoq
- Aalisarnermik alapernaarsuisut suliassaat pisinnaatitaaffiilu pillugit Namminersornerullutik Oqartussat nalunaarutaat nr. 3, 18. marts 2004-meersoq
- Pisat ilaasa nalunaarutigineqarnerini naatsorsueriaatsit pillugit Namminersorlutik Oqartussat nalunaarutaat nr. 48 18. december 2020-meersoq

Nunatsinni aalisarneq pillugu inatsisit attuumassuteqartut tamakkerlutik nalunaarutit.gl aqqutigalugu pissarsi-
arineqarsinnaapput.